

Koob Tshuaj TivThaiv Kab Mob COVID-19

Peb txhua tus yeej paub txog tus kab mob sib kis hu ua Coronavirus, los yog hu ua COVID-19, nws yog ib tug kab mob uas txaus ntshai thiab tau sib kis mus rau txhua lub teb chaws. Nyob rau hauv peb lub xeev Rhode Island, muaj ntau tshaj li 85,000 tus tib neeg tau txais tus mob COVID-19, thiab muaj li ntawm 1,800 tug tib neeg tau tuag los ntawm tus kab mob COVID-19 no lawm.

Twb tsim tau koob tshuaj tiv thaiv rau tib neeg kom tsis txhob sib kis tus kab mob COVID-19, thiab twb pib muab cov tshuaj no xa mus rau txhua lub xeev lawm.

Koob tshuaj no tsim los pab tib neeg lub cev kom nws txawj los tiv thaiv tus kab mob no, yog leej twg tau xav koob tshuaj no lawm txawm nws yuav nyob nrog tau cov tib neeg muaj tus kab mob no los nws yuav kis tsis tau lawm.

Koob tshuaj no tseem ceeb heev tsis yog yuav pab tus tib neeg uas xav koob tshuaj no xwb, tab sis yuav pab tiv thaiv kom tus kab mob no tsis txhob sib kis ntxiv lawm, xws li koj tsev tib neeg, cov tib neeg nyob ze koj, cov tub ntxhais kawm ntawv, thiab tej tib neeg nyob hauv lub zej lub zos.

Koob tshuaj tshiab COVID-19 tej tub txawj tub ntse twb muab sim kuaj tag lawm thiab tau kev tso cai los ntawm tsoom nom tswv nyob hauv lub teb chaw amekas no coj los siv pab rau pej xeem sawv daws. Koob tshuaj COVID-19 no tsis muaj tus kab mob ciaj sia nyob rau hauv uas yuav mus ua kom peb lub cev no muaj kab mob ntxiv rau tus tib neeg uas xav koob tshuaj no.

Koob tshuaj COVID-19 uas xav nyob rau teb chaws amekas no yuav tsum tau mus xav 2 zaug. Koob tshuaj thib ib yog yuav mus cob qhia peb cov hlwv ntshav kom txawj tiv thaiv, tsis tag li ntawv xwb tom qab li ob peb lub lim tiam ces yuav tau rov mus xav koob tshuaj thib ob thiaj li yuav tiv thaiv tu qab.

Muaj coob tus tib neeg kuj tsis muaj mob loj tom qab xav koob tshuaj no thiab. Muaj qee yam tshwm sim uas yog cov tib neeg uas twb mus xav koob tsuaj no lawm hais tias lawv kuj hnov mob sab npab uas xav tshuaj ntawv, qhov nqaij ntawv liab, hnov sov sov. Tej yam uas tshwm sim no ob peb hnub xwb ces yuav zoo lawm. Muaj ib txhia tib neeg kuj hais tias lawv mob tau hau, ua npaws tom qab xav koob tsuaj no tag. Cov yam ntxwv uas tshwm sim no yog qhia rau peb paub hais tias peb lub cev tab tom ua hauj lwm nrog koob tshuaj no npaj yuav tawm tsam nrog tej kab mob phem.

Cov nyiaj uas siv coj los yuav koob tshuaj no kuj yog siv peb cov tib neeg uas nyob hauv teb chaws amekas no cov nyiaj them se coj los yuav yog li ntawv koob tshuaj no thiaj li muab pub dawb rau txhua leej txhua tus. Yuav muaj tej lub chaw xav tshuaj yuav rub nqi rau nej los pab them rau cov tib neeg ua hauj lwm xav tshuaj rau nej xwb. Cov nyiaj nqi ntawm no lub chaw xav tshuaj no yeej muaj cais mus hais rau cov ntawv kho mob kom ntxiv rov qab rau lawv los tau.

Ib lub xeev nyias muaj nyias ib lub hom phiaj uas yuav xub muab cov tshuaj no xav rau leej twg ua ntej, thiab yuav muab xa mus rau qhov twg ua ntej. Cov tib neeg ua hauj lwm tom tsev kho mob thiab cov tib neeg laus yog cov yuav xub tau xav ua ntej. Tom qab ntawv lawm lub xeev Rhode Island mam li muab ib txoj cai tshwj fwm tuaj qhia ntxiv rau peb. Yog xav paub ntxiv mus saib rau ntawm tus vam sab no. WWW.C19vaccineRI.org ua tsaug ntau.